



BOORN

Boorn, Boorn wat do'j mij zeer
 Wat hool iej oe stille disse keer
 Woarum goa iej oe nich vól meer reuren
 En loat iej oe stem nich harder heuren?

In Hengel hebt ze wal ne grootn moond
 Dat heur iej oaweral in t roond
 Den stek wat geern den grieperd oet
 En zit oons doanig op de hoed.

Waarum kom iej nich harder in t geweer
 Of loa'j oawer oe lopen disse keer?
 Boorn, Boorn wat do'j mij zeer
 Wat bezeelt oe toch wa disse keer.

Joa in Hengel zólt ze wisse daenken
 Boorn steet bliej noar oons te waenken
 Wiej heurt nich vól dus t geet wa good
 Dat koomp terech, heb mer gin nood.

Leg wiej oons oaweral bie j daal
 Of kom wiej in de been, wiej allemoal?

Toe Boornse leu geef ees wat meer gas
 Wiej wilt geern hooln wat aait van oons was
 Loat oe ees heurn, proat met mekaar
 Wiej hoolt van oons boorn, da's toch nich raar.

En noa al't geproat koomp dan de doad
 Dan goa wiej met spandek oawer stroat
 Want Boorn mut Boorn bliem'n is vaker zeg
 Doar goat wiej veur - koomp dat wa terech?

Boorn, Boorn dan do'j mij nich
 Joa dan wardeer ik oe nog vulle

zeer
meer.

CL.

